

10 ¶ Sexto docet esse considerandum, quod cum in Diffinitorio fit electio Priorum, & Prouincialis est, qui proponit eligendum, oportere duos aut tres nominare, & non vnum solum, vt videatur electio, vt satis prudenter consideratum est ab illo qui glosam edidit Constitutionum Predicatorum, dist. 2. cap. 2. fo. 78.

11 ¶ Predicatorum & Confessorum Secularium institutio ad Ministrum Generalem pertinet & ad Ministros Prouinciales & Diffinitores in Capitulo Prouinciali: patet ex nostris constitutionibus Toleti reformatis cap. 5. Tit. de Predicatoribus & de Confessoribus Secularium, Extrauagan. Exiit de verborum significatione in, 62.

12 ¶ Tandem aduerte esse concessionem datam à Bonifacio, 8. quod omnes Religiosi qui interfuerint Capitulo Prouinciali per octo dies sequentes consequantur Indulgentiam Plenariam concessam, Sancte Mariæ de Angelis, que dicitur Porciuncula: Et eandem consequuntur, omnes visitantes Ecclesias vbi Capitulum Prouinciale celebratur & manus adiutrices porrigunt, modo sint contriti & confessi à primis Vesperis, vsq; ad octo dies sequentes.